

ԵՂԻԱԶԱՐ ՀԱԿԱՅՈՒ ԿԱՅՈՂԻԿՈՍ

Հայ կաթողիկոսական և պատրիարքական աթոռներէն ոչ մէկը ա՛յնքան նեղութիւն ու վիշտ կը պատճառեն Յակոբ Զուղայեցիին, որքան Եղիազարի հակաթոռ կաթողիկոսութիւնը:

Եղիազար Անթապցին, միաբան Երուզէմի, յաջողած էր 1659ին, ընդդէմ Յոյներու, Հայոց իրաւունքները վեհահաստատել տալ Երուսաղէմի Սրբոց Յակոբեանց վանքին վրայ (1), և ի դիմաց Աստուածատուր Պատրիարքին կը մատակարարէր Ս. Յակոբի կալուածները, և նորոգութիւններով ու շինութիւններով կը պայծառացնէր Երուսաղէմի Աթոռը:

Երբ Կ. Պոլսոյ հայ մեծամեծները կը դիմեն Օսմանեան Պետութեան, որպէս զի արգիլէ պարսկահայ նուիրակներու մուտքը թուրքիայէն ներս, Եղիազար առիթը յարմար կը դատէ՝ ընդդէմ Էջմիածնի, առանձին կաթողիկոսութիւն մը հաստատելու Օսմանեան կայսրութեան մէջ ընակող բո-

(1) Ազգապ. Բ. 2528: